

## 《正史汇目》第二十一

## 《辽史》部

## (一)《辽史》未成前目

## 耶律鲁不古监修《国史》

《辽史·耶律鲁不古传》:太祖制契丹国字,鲁不古以赞成功,授林牙,监修国史。

## 辽太宗诏编《始祖事迹》

《辽史·太宗本纪》:会同四年二月丁巳,诏有司编始祖奇首可汗事迹。

以上太祖时

## 室昉监修《国史》

《辽史·室昉传》:拜枢密使,兼北府宰相加同政事门下平章事,乾亨初,监修国史。

以上景宗时

## 邢抱朴等修《实录》

《辽史·邢抱朴传》:统和四年,加户部尚书,迁翰林学士承旨,与室昉同修《实录》。

《辽史·室昉传》:昉请致政,表进所撰《实录》二十卷,手诏褒之,加政事令,赐帛六百匹。

以上圣宗时

## 耶律玦修《国史》

《辽史·耶律玦传》:重熙初,召修国史,补符宝郎。

### 萧韩家奴兼修《国史》

《辽史·文学·萧韩家奴传》:重熙四年,擢翰林都林牙,兼修国史。仍诏谕之曰“文章之职,国之光华,非才不用,以卿文学,为时大儒,是以授卿以翰林之职,朕之起居,悉以实录”。自是日见亲信。会有司奏猎秋山,熊虎死伤数十人,韩家奴书于册,帝见,命去之。韩家奴既出,复书。他日帝见之曰,史笔当如是。诏与耶律庶成录遥辇可汗至重熙以来事迹,为二十卷进之。以其老不任朝谒,拜归德军节度使,兼修国史。

### 耶律庶成等修《实录》

《辽史·兴宗本纪》:重熙十三年六月丙申,诏前南院大王耶律谷欲、翰林都林牙耶律庶成等,编集国朝上世以来事迹。

《辽史·耶律庶成传》:重熙初,补牌印郎君,累迁枢密直学士,偕林牙萧韩家奴等撰《实录》。

《辽史·文学·耶律谷欲传》:谷欲奉诏与林牙耶律庶成、萧韩家奴编辽国上世事迹诸帝实录,未成而卒。

### 耶律良修《起居注》

《辽史·耶律良传》:良生于乾州,读书医巫闾山,学既博,入南山肄业,数年而归。重熙中,补寝殿小底,迁修《起居注》。

以上兴宗时

### 耶律孟简等编《辽上世事迹》及《诸帝实录》

《辽史·文学·耶律孟简传》:太康中,诣阙上表曰“本朝之兴,几二百年,宜有国史,以垂后世。乃编耶律曷鲁、屋质、休哥三人行事以进,上命置局编修。孟简谓余官曰“史笔天下之大信,一言当否,百世从之,苟无明识,好恶徇情,则祸不测,故左氏、司马迁、班固、范曄俱罹殃祸,可不慎欤”。

### 佚名《七帝实录》

《辽史·道宗本纪》:大安元年冬十一月辛亥,史臣进太祖以下《七帝实录》。

## 王师儒监修《国史》

《辽史·道宗本纪》寿隆六年冬十月壬寅,以枢密副使王师儒监修国史。

## 窦景庸修《国史》

《辽史·窦景庸传》迁南院枢密副使,监修国史。

## 耶律阿思监修《国史》

《辽史·耶律阿思传》寿隆元年,以耶律阿思为北院枢密使,监修国史。

## 以上道宗时

## 耶律俨纂修《诸帝实录》

《辽史·天祚帝本纪》:乾统三年十一月乙巳,召监修国史耶律俨纂诸帝《实录》。

《辽史·耶律俨传》:俨迁知枢密院事,赐经邦佐运功臣,封越国公。修《皇朝实录》七十卷。

## 以上天祚帝时

## 附:叶隆礼《契丹国志》二十七卷

《读书敏求记》:隆礼书法谨严,笔力详贍,洵有良史之风。具载两国誓书及南北通使礼物,盖深有慨于海上之盟,使读者寻其意于言外耳。

《浙江采进遗书目》:《契丹国志》三十七卷(知不足斋本),宋秘书丞嘉兴叶隆礼撰。述契丹自阿保机初兴,迄于天祚,凡二百余载之事。

《四库简目》:《契丹国志》二十七卷,宋叶隆礼撰。乃奉诏所编,凡帝纪二卷,列传七卷,杂记旧事者八卷,大抵采掇传闻,不能有所考证,诞妄疏漏,皆所不免。然之史未成以前,记辽事者,惟此书仅存,固不能不以少见珍。惟书中忽内宋外辽,忽内辽外宋,茫无体例,又所引胡安国诸说,尤多纰缪。今重为订正。

《四库总目》:《契丹国志》二十七卷(浙江鲍士恭家藏本),宋叶隆礼撰。隆礼号渔林,嘉兴人,淳祐七年进士,由建康府通判历官秘书丞,奉诏撰次辽事为此书。凡帝纪十二卷,列传七卷,晋降表,宋辽誓书议书一卷,南北朝及诸国馈贡礼物数一卷,杂载地理及典章制度二卷,行程录及诸杂记四卷。钱

曾《读书敏求记》称其书法谨严,笔力详贍,有良史风,而苏天爵《三史质疑》则谓隆礼不及见《国史》,其说多得于传闻,讥其失实甚多。今观其书,大抵取前人纪载原文,分条采摘,排比成编。穆宗以前纪传,则本之《资治通鉴》,穆宗以后纪传,及诸杂记,则本之李焘《长编》等书,其《胡峤陷北记》,则本之欧史《四夷附录》,《诸番记》及达锡伊都等传,则本之洪皓《松漠记闻》,《杂记》则本之武圭《燕北杂记》(案:上书今不传,其言略见曾慥《类说》),皆全袭其词,无所更改。间有节录,亦多失当。如《通鉴》载太祖始立为王事,止云恃强不受代,故下云七部求如约,今此书删去不受代之文,则所谓如约者,果何事乎。又《长编》载圣宗南侵事云,天雄军闻契丹至,阖城惶遽,契丹潜师城南,设伏狄相庙,遂南攻德清,王钦若遣将追击,伏起,天雄兵不能进退,其情事甚明,今此书于阖城惶遽下,即接伏起云云,而尽删其潜师设伏之文,则所伏者果谁之兵乎。又《松漠记闻》载“黄头女真”,金人每当出战,皆全前驱,盖洪皓所亲见其为金人事甚明,今此书径改金人为契丹,采入辽志,则益为颠倒事实矣。又帝纪中凡日食星变诸事,皆取《长编》所记,按年牖载,然辽宋历法不齐,朔闰往往互异,如圣宗开泰九年辽二月置闰,宋十二月置闰,宋之七月,在辽当为八月,而此书仍依宋法书七月朔日食,此类亦俱失考。盖隆礼生南渡后,距辽亡已久,北土载籍,江左亦罕流传,仅据宋人所修史传及诸说部抄撮而成,故本末不能悉具。苏天爵所论,深中其失,钱曾盖未之详核也。特诸家目录所载若《辽庭须知》、《使辽图钞》、《北辽遗事》、《契丹疆宇图》、《契丹事迹》诸书,隆礼时尚未尽佚,故所录亦颇有可据。如道宗寿隆纪年,此书作寿昌,与辽史所遗碑刻之文并合,可以证辽史之误。又《天祚纪》所载与金攻战及兵马渔猎诸事,较《辽史》记志为详,存之亦可备参考。惟其体例参差,书法颠舛,忽而内宋则或称辽帝,或称国主,忽而内辽,则以宋帝年号,分注辽帝年号之下,既自相矛盾。至杨丞勋劫父叛君,蔑伦伤教,而取胡安国之谬说,以为变不失正,尤为无所别裁。

《邵亭知见传本书目》:《契丹国志》十七卷,宋叶隆礼撰。扫叶山房刊本,元刊本藏昭文张氏。

《书目答问》:《契丹国志》十七卷,宋叶隆礼撰。扫叶山房本。《古今逸

史》《说海中》《辽志》即此书摘本。《补正》二十七卷 乾隆间承恩堂刻本。

《郑堂读书记》：《契丹国志》二十七卷（写本），宋叶隆礼奉敕撰（隆礼号渔林，嘉兴人，淳祐七年进士，官至秘书丞）。《四库全书》著录，倪氏《补辽金元志》亦载之。是编记辽一代二百余年君臣事迹，凡帝纪十二卷，列传七卷，晋降表、宋辽澶渊关南誓书议割地界书一卷，南北馈献礼物、外国贡进礼物、契丹回赐物件一卷，地理一卷，制度一卷，王沂公富郑公两行程录、余尚书刁奉使两北语诗一卷，张舜民《使北记》、胡峤《陷北记》一卷，《诸番国杂记》一卷，《岁时杂记》一卷，大抵取司马《通鉴》、李氏《长编》、欧阳史《四夷附录》，洪皓《松漠纪闻》，武圭《燕北杂记》诸书，排纂成书，无所改易。间有删节，颇多失当。然王沂公、富郑公之书，《通考》虽载其目，而其书已亡，得此为不坠于地。胡峤《陷北记》，《五代史》、《辽史》间一称引之，此独载其全文，为可宝也。惟书中忽内宋外辽，忽内辽外宋，茫无体例。且奉诏撰著，而称王曾、富弼、余靖、刁约之谥与官，所引胡安国说，亦称其谥。其说尤多纰缪。武英殿刊本已遵高宗纯皇帝谕旨改正，今扫叶山房本悉从殿本付梓，此犹当日原本。前有契丹国初兴本末，契丹国九主年谱并淳熙七年《渔林进表》、《说海》及《历代小史》均取是书节录一卷，题曰《辽志》，尤无取焉。

### 萧永祺《辽史》七十五卷

《金史·文艺·萧永祺传》：广宁尹耶律固奉诏译书，辟置门下，因尽传其业，固作《辽史》未成，永祺继之，作纪三十卷，志五卷，传四十卷上之。

《钱补元史艺文志》：萧永祺《辽史》七十五卷，纪三十卷，志五卷，传四十卷，太常丞皇统八年四月成。

### 陈大任《辽史》

《金史·章宗本纪》：泰和六年秋七月，敕翰林直学士陈大任专修《辽史》。

《金史·党怀英传》：怀英致仕后，章宗诏直学士陈大任继成《辽史》。

《钱补元史艺文志》：陈大任《辽史》，泰和中，翰林直学士。

以上金时

## (二)《辽史》成后目

### 苏天爵《辽金纪年》

《阮史·苏天爵传》所著《辽金纪年》未及脱稿。

### 项笃寿《辽史论赞》四卷

按:见《四库存目》著录。详《史记论赞》条。

## 以上元明时

### 厉鹗《辽史拾遗》二十四卷

《浙江采进遗书目》:《辽史拾遗》二十四卷(振绮堂写本),国朝举人钱塘厉鹗撰。依《辽史》篇次,自本纪志表列传外纪国语,采诸轶事徵文,补其未备。

《四库简目》:《辽史拾遗》二十四卷,国朝厉鹗撰。因《辽史》太略,摭拾以弥其阙,有注有补,均摘史文为纲,而参引他书列于下。

《四库总目》:《辽史拾遗》二十四卷(浙江巡抚采进本),国朝厉鹗撰。鹗字太鸿,钱塘人,康熙庚子举人。是书拾《辽史》之遗,有注有补,均摘录旧文为纲,而参考他书,条列于下。凡有异同,悉分析考证,缀以案语。《国语解》先后次第与目录有不合者,亦悉为厘正。又补辑辽境四至及风俗物产诸条于后,其中如刘守光自为节度使,《唐书》及《五代史》列传载之最详,乃独取《资治通鉴》一条;李嗣源之救幽州,不引《契丹国志》,亦仅引《通鉴》;王都破唐兵,《五代史》与诸书互有异同,而不加考辨;金克中京,《大金国志》叙次最悉,乃独取《松漠纪闻》数言;保大以后辽事,载于《宋史》纪传者最多,皆略而不取;似此之类,皆颇有所遗。又兰亭石刻之类,蔓延铺叙,与史事毫无所关,亦未免嗜博爱奇,伤于泛滥。然元修三史,莫繁冗于宋,莫疏略于辽,又辽时书禁最严,不得传布于境外,故一朝国籍,渐灭无征。鹗采摭群书,至三百余种,以旁见侧出之文,参考而求其端绪,年月事迹,一一钩稽,其补唐中和诸人之传及《礼志》之补幡胜,《乐志》之补聒帐,《舆服志》之补金冠窄袍,《食货志》之补赋税名目,皆采辑散佚,足备考证。鹗《樊榭诗集》中自称所注

《辽史》比于裴松之之《三国志注》，亦不诬也。至于卷末《国语解》，对音舛误，名义多乖，由作史者昧于翻译，故因仍故牒，致失其真。鹗虽厘正其次第，而索伦旧语，既非所知，故旧文驳文未能考正。

邵亭知见传本书目：《辽史拾遗》二十四卷，国朝厉鹗撰。汪氏刊本，附《拾遗补》五卷。

《郟堂读书记》：《辽史拾遗》（无卷数，写本），国朝厉鹗撰（鹗字太鸿，号樊榭，钱塘人，康熙庚子举人）。《四库全书》著录，作二十四卷。按《宋》、《辽》、《金》三史，虽同修于元至正间，而《宋史》失之繁，《辽史》失之简，惟《金史》繁简得中。《宋史》之繁，有明诸家为之改修，迄未尽善，而《辽史》之简，阅四百余年，尚无有为之增益者。樊榭因仿裴世期注《三国志》，刘宣卿注《续汉书》之例，撰成是编。凡分本纪三十篇，志二十四篇，表七篇，列传二十一篇，外纪一篇，国语解二篇，总八十五篇。不分卷数，亦不就书为注，只摘史文为纲，历引群书为注，而间作案语以断之。盖以所注者非尽各传有注，注者少而不注者多，故不并合史文为一书。大都本纪最详，几居全书十之五六，志表稍略，列传更略，盖无群书可据，亦不得不略之也。且以《宋》、《金》二史，当时与《辽史》并修，故不摭摭及之，其例独为谨严。于辽一代二百年事迹，既拾其遗，兼补其阙，大有裨于考证。惟卷末拾补《国语解》，则索伦旧语，非樊榭所能通晓。现有《钦定辽史国语解》十卷，在此书所引各条，实无当于国语，仅可取助谈资而已。前有《自序》及全谢山序。又《目录》于列传第三至列传第十四，俱作宗室第几，殊误，此十二处，俱当改为专传第几也。

### 杨复吉《辽史拾遗补》三卷

按：见《八千卷楼书目》著录。注云：何梦华抄本。

### 杨循吉《辽小史》一卷

按：见《千顷堂书目》著录。

### 乾隆敕撰《辽史语解》十卷

按：见《浙江图书馆目》著录。

《郟堂读书记》：《钦定辽金元三史国语解》四十六卷（写本），乾隆四十六年奉敕撰。谨案辽金元三史，卷末俱附有国语解，颠舛支离，如出一辙。我

高宗纯皇帝,特命馆臣,详加厘定,以索伦语正《辽史》,凡十卷,分为七门。以满洲语正《金史》,凡十二卷,分为六门。以蒙古语正《元史》,凡二十四卷,分为七门。各解内但释解义,概不复注索伦、满洲、蒙古语,其中姓氏地名官人名无解义者,各以今地名八旗姓氏通谱官名改字面订之。大都言究其义,字谐其音,类聚群分,了如指掌,从此据读辽、金、元史,无患其不谙国语矣。此本即从文渊阁本写出,首冠以提要一篇。

#### 钱大昕《辽史考异》一卷

按:见《潜研堂全书目》著录。详《史记考异》条。

#### 李有棠《辽史纪事本末》四十卷

按:见《浙江图书馆目》著录。注云:慎记书庄本。

#### 李慎儒《辽史地理志考》五卷

按:见《南通图书馆目》著录。注云:丹徒李氏本。

#### 丁谦《辽史各外国传地理考证》一卷

按:见《浙江图书馆丛目》著录。

#### 杨守敬《辽地理志图》

按:见《观海堂汇目》著录。

以上清人